



Jens Napātōk´
Inatsisartunut ilaasortaq, Partii Naleraq

Atorfinitsitsinermi suleriaatsit pillugit § 37 naapertorlugu apeqquummut nr. 2018/158-imut akissut.

Brevdato: 30-07-2018
Sagsnr.: 2017-3465

Asasara Jens Napātōk´,

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Inatsisartut suleriaasianni § 37 naapertorlugu Namminersorlutik Oqartussani atorfinitsitsisarnermi suleriaaserineqartut pillugit Naalakkersuisunut apeqquut nr. 2018/158 saqqummiuppat.

Apeqquutitit qitiusumik allaffeqarfissuarmi sulisunik atorfinitsitsinermi kiisalu suliffeqarfinni namminersortitani il.il. pisortanik atorfinitsitsisarneq pillugu kaajallaasitamiit (Kingorna "kaajallaasitaq"-mik taagorneqartumi) aallaaveqarput. Kaajallaasitaq ulloq 27. September 2017 Naalakkersuisut siulittaasuannit atuuttussanngortinneqarpoq.

Apeqquutitit taakkulu akissutaat tulluuttuni atuarneqarsinnaapput:

- 1. Naalakkersuisoqatigiit isumaqarnerlutik aamma aalajangiusimavaat qitiusumik allattoqarfimmi sulisunik aamma suliffeqarfinni namminersortuutitani il.il. pisortaanernik atorfinitsitsisarneq pillugu kaajallaasitaq maleqqissaarneqarnersoq?**

Akissut:

Kaajallaasitami § 9 ima oqaasertaqarpoq: »Naalakkersuisoqarfimmi pisortatut imaluunniit qitiusumik allattoqarfimmi pisortaanertut kiisalu suliffeqarfinni namminersortuutitani pisortaanertut atorfinitsitsiniarnermi qinnuteqartunut piumasaqaataapput kalaallisut, danskisut tuluttullu oqaatsitigut piginnaasaqarnissaq kiisalu kalaallit kulturiannik inuiaqatigiinnilu pissutsinik iisimasaqarnissaq. Piumasaqaatit taakkua suliamut aqutsinermullu tunngasutigut pisinnaasaqartuunissamut piumasaqaatit assigalugit pingaartinneqassapput.«

Kaajallaasitap atuuffiani suliffeqarfinni namminersortuutitami pisortamik appasinnerusumik atorfinitsitsisarneq pillugu kaajallaasitami § 2-mi, matumani Mittarfeqarfiit eqqarsaatigalugit, piginnaasassanut piumasaqaatinik inuttassarsiulluni allagarsiinermi erseqqissaassutitaqanngitsumik atorfinitsitsisoqarpoq. Tamanna atorfiup inuttalerneqarneranut sunniuteqarsimasutut nalilerneqanngitsoq suliffeqarfiup paasissutissiissutigaa, atorfillumi qinnuteqartumik maani nunami najugaqareersumik inuttalerneqarpoq.

Tamatumalu saniatigut namminersorlutik oqartussat qitiusumik allaffeqarfissuanni suliffeqarfinnilu namminersortuutitani pisortaanernik atorfinitsitsinerneq kaajallaasitap malinneqarsimannginneranik Naalakkersuisut iisimasaqanngillat.

Aammattaaq erseqqissaatigineqassaaq atorfinitsitsisussatut oqartussaaffimmi qullersatut pisortaaq tassaamat atorfinitsitsinissamut ataatsimiititaliamik pilersitsinissamut aammalu atorfimmik inuttassarsiukkamik allagarsiussamik

suliarinninnissamat akisussaasuummat. Tamanna pillugu siunnersorneqarumagaanni Aningaasaqarnermut Sulisoqarnermullu Aqutsisoqarfik attavigineqarsinnaavoq.

2. **Namminersorlutik Oqartussat allaffeqarfiini pisortallu suliffeqarfiutaanni tamani kaajallaasitaq eqqortumik atuutsinneqarnersoq nunaqavissoq piumasaqaatigineqartunut atuuttunut piginnaasat eqqarsaatigalugit naammassisimasai avaqqunneqarani atorfinitsinneqartarnersoq?**

Akissut:

Naalakkersuisut kaajallaasitap malinneqannginneranut allanik ilisimasaqanngillat, piginnaasatigullu piumasaqaatit qasukkarneqannginnissaat eqqumaffiginiarneqarpoq

Tamatuma sanitigut apeqqut 1-imut akissut innersuussutigineqarpoq.

3. **Kaajallaasitami pineqartumi atuutilerneqarneraniit oktober 1-at 2017 qassit aammalu Namminersorlutik Oqartussat allaffeqarfiini aamma pisortaqarfiit sullissivianni immikkoortortaqarfinni sorlarni ukunannga ataani taaneqartuni piginnaasaqanngitsut atorfeqartinneqarnerpat?**
a) **Kalaallisut oqaatsitigut piginnaasaqartut?**
b) **Kalaallit kulturiannik inuiaqatigiillu pissusaannik ilisimasaqartut?**

Akissut:

Aallarniutigalugu paasissutissiissutigineqassaaq Namminersorlutik Oqartussani atorfinitsitsisarnermik oqartussaaffik Aningaasaqarnermut Sulisoqarnermullu Aqutsisoqarfimmi (ASA) inissisimammat. Immikkoortortami susassaqartumi aqutsisut inassuteqaataat tunngavigalugu suliani ataasiakkaat atorfinitsinneqarnissaanni atugassarititaasunut pingaarutilinni Aqutsisoqarfik aalajangiisartuuvoq, naggataatigullu atorfinitsitsinissaq pillugu aalajangiisartuulluni.

Pisortat atorfinitsitsinerminni kaajallaasitamik Naalakkersuisut atortuulersitaannik malinnittartut, atorfinitsitsinernilu ataasiakkaani tamani atorfinitsinneqartup piginnaasai atorfirmut sanilliullugu ataatsimut nalilerneqartartut, tassunga ilanngullugit oqaatsitigut piginnaasat kiisalu kalaallit kulturiannik inuiaqatigiinnillu kalaallinik ilisimasaqarnissaq nalilerneqartartut Naalakkersuisut naatsorsuutigaat.

Aningaasaqarnermut Naalakkersuisoq 2018-mi upernaakkut Aningaasaqarnermut Naalakkersuisoqarfimmi, Akileraartarnermut Aqutsisoqarfimmi, Naatsorsueqqissaartarfimmi kiisalu Aningaasaqarnermut Sulisoqarnermullu Aqutsisoqarfimmi kaajallaasitap atuutilernerata kingorna atorfinitsinneqartunut paasiniaanissamik suliakkiivoq. Apeqquteqarnermi tassani nutaatut atorfinitsinneqartut kalaallisut oqaatsinik piginnaasaqarnermik kiisalu kiisalu kalaallit kulturiannik inuiaqatigiinnillu kalaallinik ilisimasaqarnerannik aperineqarput. Apeqquteqarnermi inuit 77-it pineqarput, taakkulu Aningaasaqarnermut Naalakkersuisoqarfimmi ataatsimik, Akileraartarnermut Aqutsisoqarfimmi 23-inik, Naatsorsueqqissaartarfimmi marlunnik kiisalu Aningaasaqarnermut Sulisoqarnermullu Aqutsisoqarfimmi 51-inik agguataarsimapput.

Apeqquteqarluni paasiniaanermi inernerit takussutissiami tulliuttumi takuneqarsinnaapput:

Atorfinitsinneqartut amerlassusaat	Kalaallisut oqaaseqartuungitsut	Kalaallit kulturiannik inuiaqatigiinnillu kalaallinik ilisimasaqanngitsut	Ilinniakkatigut piginnaasaqanngitsut
77	9	3	0

Takussutissiami siuliani takuneqarsinnaasutut atorfinitsinneqartuni amerlanerussuteqartut kalaallit oqaasiinik piginnaasaqartuupput. Tassungalu atatillugu kalaallit oqaasiinik piginnaasaqarnerit assigiinngiaarsinnaanerit maluginiaqquneqassaaq, ingammillu oqaatsit allattariarsornikkut atorneqarsinnaanerannut tunngatillugu. Tamatumalu saniatigut piukkunneqartuni kalaallit kulturiannut inuiaqatigiinnillu kalaallinut ilisimasaqassusaat naatsorsuutigigaanni tamanna missingiikkut kisimi pisarpoq.

Kaajallaasitamut ilaasuni atorfinitsitat tamakkerlugit oqaatsitigut piginnaasaannik kalaallilluunniit kulturiannik inuiaqatigiinnillu kalaallinik ilisimasaqarnerannik ataatsimut misissuisoqarsimangilaq, pingaartumik Namminersorlutik Oqartussani naalackersuisoqarfiit, aqutsisoqarfiit, suliffeqarfiit namminersortitat il.il. eqqarsaatigalugit. Ataatsimut misissuineq § 37 naapertorlugu apeqqummut akissummut uunga attuumassuteqartuussanngilaq.

Aningaasaqarnermut Naalackersuisup, ASA suleqatigalugu, kaajallaasitaq ingerlaavartumik siunertaanut atuutsinneqarnerisooq malinnaaffigaa. Tassunga atatillugu ilaatigut piginnaasatigut piimasaqaatit, kaajallaasitami oqaatigineqartut, ersarissarneqarnissaat pisariaqarnerisooq isumaliutigineqarpoq.

Naggasiullugu 2018-mi juulip qiteqqunnerani kaajallaasitap atuutilernerata kingorna inuit 315-it immikkoortuni kaajallaasitamut ilaasuni atorfinitsinneqarsimanerat ilisimatitsissutigineqassaaq.

4. Kaajallaasitami pineqartumi atuutilersinneqarneraniit 1. oktober 2017 qassit Namminersorlutik Oqartussat allaffeqarfiini aamma pisortaqarfiit sullissivianni immikkoortortaqarfinni sorlarni Kalaallit Nunaata avataaneersut atorfininneq pissutigalugu Kalaallit Nunaannut nuussimappat?

Akissut:

Atorfinitsinneqaqqammersut suminggaanniit atorfinitsinneqarnerat nalunaarsorneqarneq ajorpoq. Taamaalillunilu atorfinitsinneqaqqammersut Kalaallit Nunaannit, Danmarkimit, Norgimit nunamilluunniit allamit atorfinitsinneqarnerat nalunaarsorneqarneq ajorpoq.

Inussiarnersumik inuulluaqqusillunga


Pele Broberg